

Izveštaj o radu Uprave policije MUP-a Kantona Sarajevo za mjesec maj 2019. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu maju 2019. godine, na području Kantona Sarajevo registrovana su 332 krivična djela što je za 30 djela ili 8,3% manje u odnosu na isti mjesec prethodne godine.

Od ukupnog broja registrovanih krivičnih djela, 163 ili 49,1% izvršena su od strane poznatih, a 169 ili 50,9% od strane nepoznatih izvršilaca.

Za 51-no djelo ili 30,2% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 22 krivična djela iz izvještajnog, a 29 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu maju 2019. godine za ukupno 214 krivičnih djela ili 64,5%, identifikovali osumnjičene izvršioce, što je za 4,6% veća rasvijetljenost u odnosu na isti mjesec prethodne godine.

Zbog postojanja osnova sumnje da su počinili krivična djela prijavljena su 194 lica (36 ili 15,7% manje), od čega su 122 povratnika (šest ili 5,2% više) u izvršenju krivičnih djela (ili 62,9% od broja prijavljenih lica), osam maloljetnika (devet ili 52,9% manje), a 106 lica je lišeno slobode (tri ili 2,9% više).

Pregled kriminaliteta na području Kantona Sarajevo u mjesecu maju 2019/18. godine posmatrano po glavama KZ FBiH-a i KZ BiH-a

KRIVIČNA DJELA	maj 2019.	maj 2018.	uporedba		rasvj. maj 2019.	
			+/-	%	broj kd	%
Protiv života i tijela	15	14	1	7,1%	14	93,3%
Protiv slobode i prava čovjeka i građanina	14	23	-9	-39,1%	14	100%
Protiv spolne slobode i morala	1	2	-1	-50%	1	100%
Protiv braka, porodice i mladeži	21	18	3	16,7%	21	100%
Protiv zdravlja ljudi	44	51	-7	-13,7%	44	100%
Protiv imovine	205	218	-13	-6%	89	43,4%
Protiv opće sigurnosti ljudi i imovine	5	8	-3	-37,5%	5	100%
Protiv sigurnosti javnog prometa	7	9	-2	-22,2%	7	100%
Protiv pravosuđa	0	5	-5	---	0	---
Protiv javnog reda i pravnog prometa	11	12	-1	-8,3%	10	90,9%
Protiv podmićivanja i krivična djela protiv službene i druge odgovorne funkcije	0	1	-1	---	0	---
Privrede i jedinstva tržišta te kd iz oblasti carina (KZBiH)	1	0	1	---	1	100%
Protiv sistema elektronske obrade podataka	1	0	1	---	1	100%
ZONDINOIM-a - Zakon o nabavljanju, držanju i nošenju oružja i municije (Sl.novineKS br.01/18)	7	1	6	600%	7	100%
UKUPNO	332	362	-30	-8,3%	214	64,5%

U odnosu na isti mjesec prethodne godine, zabilježeno je smanjenje broja registrovanih krivičnih djela za 30 ili 8,3%. Najznačajnije smanjenje zabilježeno je u oblasti protiv imovine (za 13 djela), zatim slobode i prava čovjeka i građanina (za devet), zdravlja ljudi (za sedam), pravosuđa (za pet), opće sigurnosti ljudi i imovine (za tri), itd., dok je povećanje evidentirano u oblasti regulisanoj "ZONDINOIM"-om (za šest), braka, porodice i mladeži (za tri), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca maja 2019. godine u ovoj oblasti evidentirano je 15 krivičnih djela (jedno više u odnosu na mjesec maj prethodne godine) i to: ubistvo u pokušaju - jedno djelo (nije bilo ovih djela u uporednom mjesecu), teška tjelesna ozljeda – pet djela (isto) i lahka tjelesna ozljeda – devet (isto). Iz ove oblasti rasvijetljeno je ukupno 14 djela ili 93,3% (za sada je nerasvijetljeno jedno djelo teških tjelesnih ozljeda), a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 17 lica, od kojih je devet povratnika ili 52,9%, a sedam je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 14 krivičnih djela (devet manje) i to: ugrožavanje sigurnosti - 12, otmica i narušavanje nepovredivosti doma - po jedno djelo. Zbog postojanja osnova sumne da su počinili navedena djela prijavljeno je 14 lica od kojih je devet povratnika (ili 64,3%), a sedam je lišeno slobode.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 21-no djelo (tri više) i to: nasilje u porodici - 19, zapuštanje ili zlostavljanje djeteta ili maloljetnika i izbjegavanje izdržavanja - po jedno djelo, a zbog postojanja osnova sumnje da su počinili ova djela prijavljeno je 20 lica, od kojih je 13 povratnika (ili 65%), a 16 je lišeno slobode.

KRIVIČNA DJELA PROTIV ZDRAVLJA LJUDI

Prijavljena su 44 krivična djela iz oblasti protiv zdravlja ljudi (sedam manje) i to:
 - neovlašćena proizvodnja i stavljanje u promet opojnih droga (čl. 238. KZ FBiH) – dva,
 - posjedovanje i omogućavanje uživanja opojnih droga (čl. 239. KZ FBiH) – 42 djela.
 Zbog postojanja osnova sumnje da su počinili navedena djela podneseni su službeni izvještaji protiv 42 lica od kojih je 27 povratnika (ili 64,3%), a 30 je lišeno slobode.

PREGLED ODUZETE KOLIČINE OPOJNIH DROGA U MJESECU MAJU 2019/18. GODINE

VRSTA OPOJNE DROGE	MAJ 2019. GOD.	MAJ 2018. GOD.
Marihuana (paketići)	7	7
Marihuana (JOINT - cigarete)	---	5
Marihuana (u gramima)	2.200	2
Heroin (paketići)	4	---
Amfetamin (paketići)	26	8
Amfetamin (u gramima)	1.200	30
Ecstasy (tablete)	10	---
pribor sa ostacima droge (komada)	---	2

KRIVIČNA DJELA PROTIV IMOVINE

U izvještajnom mjesecu, registrovano je 205 krivičnih djela protiv imovine, što je za 13 djela manje u odnosu na isti mjesec prošle godine. Među djelima iz ove oblasti najbrojnije su: teške krađe – 102 djela (14 manje), zatim krađe – 25 (pet manje), razbojništvo – 44 (tri manje), oštećenje tuđe stvari – 14 (dva više), paljevina - šest (pet više), prijevara - tri (jedno više), teška krađa u pokušaju – dva (dva manje), itd. Za ukupno 89 djela iz ove oblasti ili 43,4% identifikovan je osumnjičeni izvršilac što je za 5,8% veća rasvjetljenost imovinskih delikata u odnosu na uporedni mjesec.

Kada su u pitanju teške krađe, prema objektu izvršenja najbrojniji su bili stambeni objekti - 50 puta (četiri više), zatim slijede motorna vozila (otuđenja pmv i “provale” u ista) - 32 slučaja (dva više), poslovni objekti - osam (13 manje), itd.

Na području Kantona Sarajevo u mjesecu maju ove godine izvršeno je 21-no krivično djelo teških krađa motornih vozila od čega je 12 ili 57,1% pronađeno i vraćeno vlasnicima (od strane Uprave policije MUP-a KS vraćena su četiri vozila, MUP-a RS-a - jedno, drugih MUP-ova – dva i vlasnici su pronašli – pet vozila). Broj teških krađa motornih vozila, u odnosu na uporedni mjesec, smanjen je za dva ili 8,7%.

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv četiri lica (jedno više u odnosu na uporedni mjesec).

Prijavljeno je 25 krivičnih djela krađe (pet manje), koja su izvršena osam puta u poslovnim prostorijama, četiri u stambenim objektima, tri u vozilima i na stajalištima GRAS-a, osam puta na ulici, itd. odakle su otuđivani novčanici, mobiteli, alati, bicikli, građevinski materijal, itd.

U mjesecu maju 2019. godine, registrovana su 44 krivična djela razbojništva (tri manje), od čega je za 13 djela ili 43,2% identifikovan osumnjičeni izvršilac što je za 15,5% više u odnosu na isti mjesec prethodne godine.

Ova djela izvršena su prijetnjom upotrebe vatrenog oružja - 20 puta, prijetnjom upotrebe noža ili drugog oštrog predmeta – 12 i upotrebom fizičke snage – 12 puta, a počinjena su u prodavnicama – 15 puta, na benzinskim pumpama - 10, u sportskim kladionicama - 10, na ulici – šest, itd. Otuđivan je novac, mobiteli, nakit, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 16 lica, od kojih je 10 povratnika u činjenju krivičnih djela (ili 62,5%), a šest je lišeno slobode.

Evidentirano je devet krivičnih djela teških krađa na naročito opasan ili naročito drzak način (isti broj djela), u kojima su izvršiocima, upotrebom fizičke snage – šest puta, te verbalnom prijetnjom u tri slučaja, otimali mobitele, novac i nakit. Ova djela izvršena su na ulici - pet puta, u prodavnicama tri i u haustoru stambene zgrade - jedno.

Za ukupno tri djela identifikovani su osumnjičeni izvršiocima ili 30% (7,8% više u odnosu na maj 2018. godine), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, od kojih su dva maloljetnika i svi su lišeni slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je pet djela (tri manje) izazivanje opće opasnosti, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, a jedno je lišeno slobode.

Sva krivična djela izazivanja opće opasnosti izvršena su na otvorenom prostoru. U tri slučaja pucano je iz vatrenog oružja i dva puta je otvorenim plamenom izazvan požar. Posljedica izvršenja navedenih djela je nastala materijalna šteta i uznemirenost građana.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 11 krivičnih djela (jedno manje) i to: nasilničko ponašanje – pet djela, napad na službenu osobu u vršenju službene radnje - tri, nedozvoljeno držanje oružja ili eksplozivnih materija, sprječavanje službene osobe u vršenju službene radnje i krivotvorenje isprave - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 11 lica, od kojih je pet povratnika ili 45,5%, a sedam je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca maja 2019. godine, policijski službenici su nadležnom tužilaštvu podnijeli službeni izvještaj protiv osam maloljetnih lica zbog postojanja osnova sumnje da su izvršili devet krivičnih djela. U odnosu na isti mjesec 2018. godine, broj maloljetnih učinilaca krivičnih djela smanjen je za devet (ili 52,9%), a broj krivičnih djela za koja su prijavljeni maloljetnici smanjen je za četiri (ili 30,8%).

Prijavljeni maloljetnici su u dobi od 14 do 16 – tri, od 16 do 18 godina – pet. Šest maloljetnih izvršilaca su povratnici u izvršenju krivičnih djela

Pregled broja maloljetnih izvršilaca krivičnih djela za mjesec maj 2019. godine
prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	3	5	8

Posmatrano po policijskim upravama krivična djela učinjena od strane maloljetnika evidentirana su na području: Treće policijske uprave (krađa - tri djela, napad na službenu osobu u vršenju poslova sigurnosti – jedno djelo) i Četvrte policijske uprave (lahka tjelesna ozljeda, teška krađa na naročito drzak i opasan način – po jedno, razbojništvo – dva djela), Sedme policijske uprave – jedno djelo (lahka tjelesna ozljeda).

Pregled registrovanih krivičnih djela izvršenih od strane maloljetnih lica za mjesec maj 2019/2018. godine

<i>Naziv krivičnog djela</i>	maj 2019.	maj 2018.
<i>Lahka tjelesna ozljeda</i>	2	2
<i>Ugrožavanje sigurnosti</i>		3
<i>Posjedovanje i omogućavanje uživanja opojnih droga</i>		2
<i>Krađa</i>	3	1
<i>Teška krađa</i>		1
<i>Teška krađa na naročito drzak i opasan način</i>	1	1
<i>Teška krađa na naročito drzak i opasan način u pokušaju</i>		1
<i>Razbojništvo</i>	2	1
<i>Nasilničko ponašanje</i>		1
<i>Napad na službenu osobu u vršenju poslova sigurnosti</i>	1	
<i>ukupno</i>	9	13

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca maja 2019. godine na području Kantona Sarajevo registrovana su dva aktiviranja minsko-eksplozivnih sredstava (nije bilo u istom mjesecu 2018. godine).

Evidentirano je pet anonimnih dojava o postavljenoj eksplozivnoj napravi (u istom mjesecu 2018. godine - osam), a odnosile su se na srednje škole i Općinski sud. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju učinilaca.

POŽARI

Tokom mjeseca maja 2019. godine, na području Kantona Sarajevo registrovano je 13 požara (jedan više u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, sedam požara je izazvano namjerno, dva nehatom, dva zbog tehničkih nedostataka, dok uzroci dva požara spadaju u kategoriju ostalih.

Objekti registrovanih požara bili su:

- Stambeni objekti – pet puta,
- Saobraćajno sredstvo – četiri,
- Poslovni prostor – tri,
- Ostali objekti – jednom.

SAMOUBISTVA

U mjesecu maju 2019. godine na području Kantona Sarajevo registrovana su tri samoubistva (tri manje), koja su izvršena: skakanjem sa visine – dva puta i vješanjem – jednom.

Izvršioi su dva muškarca starosti 58 i 74 godine i jedna žena starosti 60 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je: 11 pištolja, šest petardi, jedan nož, 121 komad municije raznog kalibra, itd.

Fizičkim licima izdato je 50 odobrenja za nabavku vatrenog oružja (18 manje) i 117 oružnih listova (28 više).

JAVNI RED I MIR

U toku mjeseca maja 2019. godine u oblasti protiv javnog reda i mira registrovano je **359 prekršaja** (naloga - 301, zahtjeva za pokretanje prekršajnog postupka - 58), kao i u mjesecu maju 2018. godine. Za izvršenje navedenih prekršaja prijavljeno je **366 lica** (25 ili 6,4% manje).

Na prekršaje utvrđene Zakonom o prekršajima protiv javnog reda i mira odnosi se 295 prekršaja (ili 82,2%), a na prekršaje koji su utvrđeni Odlukom općinskih vijeća o javnom redu i miru 64 ili 17,8%.

Od ukupnog broja prijavljenih lica, 48 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (228), između 26 i 35 godina (70), između 19 i 25 godina (66) i do 18 godina dva lica.

Prilikom narušavanja javnog reda i mira u mjesecu maju 2019. godine, nije bilo teže povrijeđenih lica (kao ni u istom mjesecu 2018. godine), dok je osam lica (jedno više) lakše povrijeđeno.

Tabelarni pregled strukture prekršaja iz oblasti javnog reda i mira za maj 2019/2018. godine

PREKRŠAJI IZ ZAKONA O JRIM:	MAJ 2019.	MAJ 2018.	+ - %
<i>-Tuče</i>	28	35	-7 ili 20%
<i>-Naročito drsko ponašanje</i>	24	32	-8 ili 25%
<i>-Odbijanje naređenja i omalovaž. pol. služb.</i>	21	23	-2 ili 8,7%
<i>-Prosjačenje</i>	161	182	-21 ili 11,5%
<i>-Svađa, vika, nepristojno ponašanje</i>	9	2	+7 ili 350%
<i>-Uživanje opojne droge na javnom mjestu</i>	2	2	isti broj
<i>-Neovlaštena upotreba oružja</i>	0	0	---
<i>-Paljenje petardi</i>	1	0	+1
<i>-Ostali prekršaji iz Zakona o JRiM</i>	49	42	+7 ili 16,7%
Prekršaji prema Odluci općinskog vijeća o JRiM	64	41	+23 ili 56,1%
ukupno	359	359	isti broj

Prema vrsti prekršaja, najbrojniji su sljedeći prekršaji: **prosjačenje** (161 ili 44,8% od ukupnog broja), zatim tuče (28 ili 7,8%), naročito drsko ponašanje (24 ili 6,7%), odbijanje naređenja i omalovažavanje policijskih službenika (21 ili 5,8%). Znatno manje prekršaja izvršeno je svađom, vikom i nepristojnim ponašanjem (devet), uživanjem opojne droge na javnom mjestu (dva), paljenjem petardi (jedan), dok je ostalih prekršaja bilo 49, a 64 prekršaja odnose se na prekršaje koji su regulisani Odlukom općinskih vijeća.

U odnosu na isti mjesec 2018. godine smanjen je broj prekršaja učinjenih tučom, naročito drskim ponašanjem, odbijanjem naređenja i omalovažavanjem policijskih službenika i prosjačenjem, a broj prekršaja učinjenih uživanjem opojne droge na javnom mjestu ostao je isti, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (326 ili 90,8%), a znatno manje u ugostiteljskim objektima (22 ili 6,1%), a na ostalim mjestima 11 prekršaja.

Tabelarni pregled mjesta činjenja prekršaja za mjesec maj 2019/2018. godina

MJESTO IZVRŠENJA	MAJ 2019.	MAJ 2018.	+ - %
Ugostiteljski objekti	22	17	+5 ili 29,4%
Ulice i drugi otvoreni prostori	326	317	+9 ili 2,8%
Vozila javnog saobraćaja	0	1	-1
Sportski stadioni i dvorane	0	1	-1
Škole i školska dvorišta	0	8	-8
Trgovine i zanatske radnje	0	0	---
Ostala mjesta	11	15	-4 ili 26,7%
UKUPNO	359	359	isti broj

U poređenju sa mjesecom majom 2018. godine, smanjen je broj prekršaja evidentiranih u vozilima javnog saobraćaja, sportskim stadionima i dvoranama, školama i školskim dvorištima kao i na ostalim mjestima, dok je broj prekršaja u ugostiteljskim objektima, na ulicama i drugim otvorenim prostorima povećan.

Na području Kantona Sarajevo u mjesecu maju 2019. godine održano je 246 javnih skupova (120 ili 32,8% manje u odnosu na maj 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 36 slučaja izvršeno je KDZ osiguranje.

SAOBRAĆAJ

Na području Kantona Sarajevo u mjesecu maju 2019. godine u odnosu na isti mjesec prethodne godine smanjen je ukupan broj saobraćajnih nezgoda i broj nezgoda sa materijalnom štetom, dok je povećan broj nezgoda sa nastradalim licima i broj povrijeđenih lica.

Registровано je 707 saobraćajnih nezgoda (64 ili 8,3 % manje u odnosu na maj prethodne godine), od čega je 639 sa materijalnom štetom (74 ili 10,4 % manje) i 68 sa nastradalim licima (10 ili 17,2 % više). U navedenim nezgodama jedno lice je poginulo (isti broj), a 85 lica je povrijeđeno (18 ili 26,9 % više), od čega 17 teže i 68 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO ZA MJESEC MAJ 2019./18. GODINE

	maj 2019.	maj 2018.	+ , - , %
UKUPNO SAOBRAĆAJNIH NEZGODA	707	771	- 64 ili 8,3 %
Saobraćajne nezgode sa nastradalim licima	68	58	+ 10 ili 17,2 %
Saobraćajne nezgode sa materijalnom štetom	639	713	- 74 ili 10,4 %
POGINULO LICA	1	1	isto
- vozači	0	1	- 1
- putnici	0	0	-----
- pješaci	1	0	+ 1
POVRIJEĐENO LICA	85	67	+ 18 ili 26,9 %
- vozači	49	39	+ 10 ili 25,6 %
- putnici	18	15	+3 ili 20 %
- pješaci	18	13	+ 5 ili 38,5 %

U naselju su registrovane 633 saobraćajne nezgode (jedna sa poginulim, 62 sa povrijeđenim licima i 570 sa materijalnom štetom), van naselja 74 nezgode (pet sa povrijeđenim licima i 69 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU MAJU 2019. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	16	46	570	633	1	16	63
van naselja		1	4	69	74		1	5
UKUPNO	1	17	50	639	707	1	17	68

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 408 nezgoda u kojima je 48 lica nastradalo (jedno lice poginulo, 47 lica povrijeđeno – devet teže i 38 lakše),
- na magistralnim putevima – 114 (23 lica povrijeđena, dva teže i 21 lakše),
- na regionalnim putevima – 44 (dva lica povrijeđena, jedno teže i jedno lakše),
- na lokalnim putevima – 43 (pet lica povrijeđeno, dva teže i tri lakše),
- na putevima koji se ubrajaju u kategoriju ostalih – 98 saobraćajnih nezgoda (osam lica povrijeđeno, tri teže i pet lakše).

POSLJEDICE SAOBRAĆAJNIH NEZGODA

Tokom mjeseca maja 2019. godine, u saobraćajnim nezgodama na području Kantona Sarajevo nastradalo je ukupno 86 lica (18 ili 26,5 % više). Jedno lice je poginulo (isto kao u maju prošle godine), dok je 85 lica povrijeđeno (18 ili 26,9 % više), od čega 17 teže (jedno više) i 68 lakše (17 više).

UPOREDNI POKAZATELJI NASTRADALIH LICA
MAJ 2019/18. GODINE

učesnici u saobraćaju	Maj 2019. godine	Maj 2018. godine	uporedba	
			+/-	%
vozači	49	40	+ 9	+ 22,5 %
putnici	18	15	+ 3	+ 20 %
pješaci	19	13	+ 6	+ 46,1 %
UKUPNO	86	68	+ 18	+ 26,5 %

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
ZA MJESEC MAJ 2019/18. GODINE

mjesec	Maj 2019. GODINE			Maj 2018. GODINE			UPOREDBA MAJ 2019/18. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	0	9	40	1	7	32	- 1	+ 2	+ 8
PUTNICI	0	0	18	0	2	13	-----	- 2	+ 5
PJEŠACI	1	8	10	0	7	6	+ 1	+ 1	+ 4
UKUPNO	1	17	68	1	16	51	isto	+ 1	+ 17

STEPEN POVREDA UČESNIKA U SAOBRAĆAJNIM NEZGODAMA

- Vozači :
49 vozača povrijeđeno (devet teže, 40 lakše)
- Putnici:
18 putnika lakše povrijeđeno
- Pješaci:
18 pješaka povrijeđeno (osam teže, 10 lakše)

Starosna struktura nastradalih lica u saobraćajnim nezgodama je slijedeća:

- od 31 do 40 godina – 20,
- od 25 do 30 godina – 13,
- od 41 do 50 godina – 13,
- od 51 do 65 godina – 10,
- od 21 do 24 godine – osam, itd.

Starosna struktura nastradalih vozača u saobraćajnim nezgodama je slijedeća:

- od 30 do 40 godina – 14,
- od 40 do 50 godina – 11,
- od 23 do 30 godina – 10,
- od 50 do 60 godina – šest, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 539 (jedno lice poginulo, 54 lica povrijeđena, 12 teže i 42 lakše),
- neprilagođena brzina – 157 (29 lica povrijeđeno, pet teže i 24 lakše),
- klizav put – šest (jedno lice lakše povrijeđeno),
- uticaj alkohola – pet (jedno lice lakše povrijeđeno).

U mjesecu maju ove godine evidentirano je pet saobraćajnih nezgoda (osam manje), u kojima su učestvovali pripadnici MUP- a Kantona Sarajevo. U navedenim saobraćajnim nezgodama nije bilo nastradalih lica.

Evidentirano je devet saobraćajnih nezgoda (13 manje) u kojima su učestvovali inostrani vozači.

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca maja 2019. godine, policijski službenici Uprave policije MUP-a Kantona Sarajevo kontrolisali su:

- 16.682 vozila (4.742 manje),
- 5.257 lica u vozilima (821 više),
- 210 vozila pregledali (32 više),
- 181 lice u tim vozilima (devet više).

Zbog tehničke neispravnosti iz saobraćaja je isključeno 49 vozila (četiri više), 68 vozača je zatečeno da upravljaju vozilom pod dejstvom alkohola (62 manje), 281 bez korištenja sigurnosnog pojasa (155 manje), 125 bez položenog vozačkog ispita (devet manje), 48 pod izrečenom zaštitnom mjerom (devet manje), 251 vozač je zatečen da koristi mobitel tokom vožnje (327 manje) i 407 vozila je učestvovalo u saobraćaju bez važeće registracije (233 više).

Zbog kršenja propisa iz oblasti sigurnosti saobraćaja uručeno je 16.320 prekršajnih naloga vozačima (69 ili 0,4 % manje u odnosu na maj prošle godine) i podnesen 101 zahtjev za pokretanje prekršajnog postupka (89 više).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca maja 2019. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.639 prekršajnih naloga (2.314 manje), upozorena su 263 vozača (221 manje), a specijalnim vozilom "pauk" premješteno je 139 vozila (121 manje).

Takođe, pješacima koji su kršili propise uručena su 242 prekršajna naloga (tri više), a upozoreno je 48 pješaka (21 manje).

ZAKONITOST U RADU

Tokom mjeseca maja 2019. godine, registrovan je jedan napad (tri manje) na policijske službenike MUP-a KS. Napad je izvršen od strane jednog punoljetnog lica na dva policijska službenika, koji su tom prilikom lakše povrijeđeni.

Tokom mjeseca maja tekuće godine registrovan je jedan slučaj opravdane upotrebe sile (pet manje).

Tokom izvještajnog mjeseca, razmatrano je 35 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za pet predstavki (jedna manje) provede unutrašnja istraga. Za 13 predstavki je odlučeno se izvrše provjere i prikupi dokumentacija, za osam da su neosnovane, za dvije da se pripoje spisu, za dvije da se spoje u jednu predstavku (jer je riječ o istom policijskom službeniku). Za jednu predstavku je zaključeno da je Odbor nenadležan, za jednu da se službena zabilješka proslijedi nadležnoj organizacionoj jedinici kako bi se izvršio inspekcijski nadzor a potom obavijestio Odbor za žalbe, za jednu da se dostavi Sektoru kriminalističke policije radi otvaranja istrage, za jednu da se pošalje odgovor komisiji za sigurnost, dok je jedan slučaj odložen u a/a.

Od ukupno 35 razmatranih predstavki, 30 je podneseno od strane građana, dok pet predstavki predstavljaju saznanja iz službe.

Okončano je 15 unutrašnjih istraga, među kojima je šest neosnovanih, četiri su bile bez dovoljno dokaza, tri su osnovane, u jednom slučaju stranka je odustala od žalbe, dok je jedna unutrašnja istraga upućena na dopunu.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Obavljajući svoje redovne aktivnosti službenici policije su vršili obilaskе mjesnih zajednica, obrazovnih institucija, zatim ostvarivali kontakte sa vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Pored navedenog tokom mjeseca maja 2019. godine realizovane su slijedeće aktivnosti:

- Nastavljena je realizacija projekta „Uklanjanje grafita“, koja će se nastaviti i u predstojećem periodu.
- Aktivno se radilo na sprečavanju prosjačenja, skitnje, kao i propuštenog staranja za maloljetne osobe.
- Organizovan je pojačan obilazak parking prostora i mjesta na kojima se evidentira veći broj krivičnih djela, kao i narušavanje javnog reda i mira u većem obimu.
- Intenzivirano je rasvjetljavanje lažnih dojava o postavljanju bombi u srednjim školama, a ujedno se radilo na edukaciji učenika i nastavnog osoblja, odnosno povećanju svijesti o štetnosti i protivpravnosti ove vrste devijantnog ponašanja.
- Uprava policije MUP-a Kantona Sarajevo je u saradnji sa „AT Store“ provela kampanju pod nazivom „Neko te voli“, sa ciljem smanjenja broja učesnika koji koriste mobilne telefone prilikom kretanja u saobraćaju.
- Pojačan je obilazak mjesta na kojima dolazi do veće transakcije novca – banaka i trgovačkih centara, a ujedno se radilo na prikupljanju bezbjednosno interesentnih saznanja po pitanju krivičnih djela razbojništva, teških krađa motornih vozila, provalnih krađa u stanove, poslovne objekte, kao i razvijanju saradnje sa građanima i jačanju povjerenja građana u rad policije.
- U sklopu aktivnosti „Akcija bezbjednosti na putevima“ ispred BBI Centra je pod pokroviteljstvom Svjetske automobilske federacije održan „Proljetni auto Show“, na kojem je učešće uzela i Uprava policije prezentacijom rada i opreme Jedinice za saobraćaj i Rada policije u zajednici.
- Jedinicu za saobraćaj su posjetila djeca predškolskog uzrasta i osoblje vrtića „Višnjik“, kojima je tom prilikom prezentirana oprema ove Jedinice i održano stručno predavanje na temu „Sigurnost djece u saobraćaju“.
- Policajci u zajednici Četvrte PU su za učenike prvih razreda dvije onovne škole održali edukativne radionice na temu „ Djeca u saobraćaju“.

Sarajevo, 13.06.2019. godine

Odjeljenje za odnose s javnošću

